

PAPER

BOSHLANGICH SINF O'QUVCHILARINING O'QISH KO'NIKMALARINI INGLIZ TILIDA SHAKLLANTIRISHDAGI PEDAGOGIK MUAMMOLAR

Kamalova Saida Maxamat-Ibraximovna^{1,*}

¹Nizomiy nomidagi TDPU tayanch doktoranti (PhD)

*kamalovasaida82@gmail.com

Abstract

Mazkur maqolada boshlang'ich sinf o'quvchilarining o'qish ko'nikmalarini ingliz tilida shakllantirish muammozi ilmiy-nazariy asosda tahlil qilingan. Ingliz tilining xalqaro maqomi, ilm-fan va texnologiya tili sifatida ahamiyati yoritilib, ushbu tilni erta o'rgatish zarurati asoslab berilgan. Shuningdek, ta'lif jarayonida o'qish ko'nikmalarini rivojlantirishda yuzaga keladigan pedagogik muammolar tahlil qilinib, ularning samarali yechimlari taklif etilgan. Maqola pedagogika va til o'qitish metodikasi nuqtayi nazaridan muhim ilmiy-amaliy ahamiyatga ega.

Key words: Lingvistik xususiyatlari; kognitiv rivojlanish; kontekstual idrok; retseptiv qobiliyatlar.

Kirish

Bugungi kunda chet tilini o'qitish global tendensiyalardan biridir. Ingliz tilini bilish nafaqat xalqaro muloqotda, balki ta'larning boshqa fanlarini o'zlashtirishda ham muhim omil hisoblanadi. Bu,nafaqat lingvistik qobiliyatni rivojlantiradi,balki mantiqiy fikrlashni ham rivojlantiradi.Shu nuqtai nazardan boshlang'ich ta'limda ingliz tilida o'qish ko'nikmasini shakllantirish kelajakda muvaffaqiyatlari ta'lum olishning asosiy kafolati bo'lib xizmat qiladi.

O'zbekiston Respublikasida mustaqillikdan so'ng dunyoning boshqa rivojlanayotgan davlatlari qatorida barcha sohalarida ya'ni, ijtimoiy,iqtisodiy,siyosiy,ma'naviy sohalarda jumladan ta'lum tizimida ham bosqichma bosqich islohotlar amalga oshirildi."Ta'lum to'g'isida"gi [1] Qonunda uzuksiz ta'lum tizimidagi barcha islohotlarni amalga oshirish doirasida chet tillarni o'qitish ustuvor vazifa etib belgilandi [2]."Chet tillarni o'rganish tizimini yanada takomillashtirish chora-tadbirlari to'g'risida"gi 2012 yil 12-dekabrdagi 1875-sonli Prezident qarorining qabul qilinishi [3] va xorijiy tillarni boshlang'ich sinflardan boshlab o'qitishning yo'lga qo'yilishi ta'lum sohasida jiddiy islohatlarning o'tkazilishiga olib keldi.Bu qaror, ayniqsa ingliz tilini o'qitish jarayonini sifat jihatidan yangi bosqichga olib chiqishga xizmat qilgan muhim hujjatlardan biridir.Ushbu qarorga muvofiq, 2013-2014 o'quv yilidan boshlab

umumiy o'rta ta'lum maktablarining birinchi sinfidan ingliz tilini o'qitish yo'lga qo'yildi [4].

Adabiyotlar tahlili

Dunyo bo'y lab ingliz tilining keng qo'llanilishi tufayli ingliz tilida o'qish ko'plab sabablarga ko'ra muhim ahamiyatga ega,ingliz tili xalqaro tildir, bu fan va texnika tili va zamonaviy ixtiolar va kashfiyotlar tildir.

Shu o'rinda o'qish qobiliyati va o'qish ko'nikmasini farqlab olish muhimdir.O'qish qobiliyati (Reading Ability) bu o'quvchining umumiy qobiliyati bo'lib,tabbiy va individual rivojlanish daramasi bilan bog'liq bo'lishi mumkin.U so'zlarni taniy olish,matnni tushunish,o'qish tezligi va raxonligi,mantiqiy tahlil qilish,o'qilgan ma'lumot asosida fikr yuritish kabilarni o'z ichiga oladi.O'qish ko'nikmasi (Reading Skill) bu maqsadli o'rgatiladigan amaliy ko'nikma bo'lib,uni mashq qilish va o'qitish orqali shakllantirish mumkin.O'qish ko'nikmasiga harf va so'zlarni ajratib tanib olish,so'zlearning talaffuzini bilish,matn bo'yicha asosiy ma'lumotlarni ajratish,qisqa va murakkab gaplarni tushunish,o'qilgan matn bo'yicha savollarga javob bera olish kiradi.

Ma'lumki, boshlang'ich maktab yoshi chet tilini o'rganish

uchun eng qulay davr hisoblanadi.Bolaning taqlid qilish qobiliyati, tabiiy qiziquvchanligi va yangi bilimlarga bo'lgan ehtiyoji chet tilini o'rganish oldida turgan qiyinchiliklarni yengib o'tishga yordam beradi.O'qituvchi chet tilidan foydalanib, bir tomonidan yosh o'quvchilarni boshqa madaniyat bilan tanishtirs, ikkinchi tomonidan, turli turmush tarziga hurmat va bag'rikenglikni tarbiyalaydi.Hozirgi kunda ingliz tili boshlang'ich va hatto maktabgacha ta'limga ham o'qitiladi. Shuni yodda tutish kerakki, har bir bolaning chet tilini o'rganish uchun o'ziga xos ichki rag'bati bor va o'qituvchining vazifasi bu motivatsiyani rivojlanadirishdir. Boshlang'ich bosqichda ingliz tilini o'rgatishning bir qancha sabablari bor.

Asosiyli quydagilar:

- * lingvistik rivojlanish uchun eng qulay davr hisoblanadi, keyingi lingvistik ta'limga uchun mustahkam asos yaratishda muvaffaqiyatl foydalanish mumkin;

- * erta boshlash ingliz chet tili sifatida o'rganish uchun maksimal vaqtini ta'minlaydi - qanchalik erta boshlasa, o'rganish uchun ko'proq vaqt kerak bo'ladi;

- * maktabgacha yoki boshlang'ich maktab bosqichida birinchi chet tilini o'rganayotgan bolalarning o'rta maktabda ikkinchi chet tilini o'rganish imkoniyati ko'proq bo'ladi;

- * bolalar erta yoshdanoq maqsadli tilda(chet tilida)so'zlashadigan mamlakatlar madaniyati bilan tanishadilar; ular atrofdagi insonlarga bag'rikeng va hamhard bo'lib o'sadi;

- * erta yoshda chet tilini o'rganish amaliy ahamiyatga ega bo'lishidan tashqari, bolalarning ona tilidan yaxshiroq foydalanish qobiliyatini rag'batlantiradi;

- * tillarni o'rganish bolalarning xotirasini, tafakkurini, idrokini, tasavvurini va boshqalarni yaxshilaydi [5].

Respublikamizda daylat umumta'limga muktablarida ingliz tili chet tili sifatida o'qitiladi.Ta'limga berish jarayonida ingliz tilida til ko'nikmalarini shakllantirishda xususus boshlang'ich sinf o'quvchilarida o'qish ko'nikmasini shakllantirish zamonaviy pedagogikaning dolzarb masalalaridan biri hisoblanadi.Chunki o'qish nafaqat individual bilim olish vositasi balki kelajakda ta'limga jarayoni va muloqotning asosiy poydevoridir.Biroq o'quvchilar duch keladigan muammolar quydagi omillar bilan bog'liq, ya'ni o'quvchilarning ona tili va ingliz tili o'tasidagi farqlar,ta'limga tizimidagi yondashuvlar,o'qituvchilarining malakoviy tayyorgarligi,darslik va metodik resurslarining yetishmovchiligi,o'quvchilarining psixologik va fiziologik muammolari,motivatsiya bilan bog'liq muammolar va boshqalar

Ushbu pedagogik muammo bolalarning lingvistik xususiyatlari,kognitiv rivojlanish bosqichlari hamda o'qitish metodikasiga bog'liq holda turlicha namoyon bo'lishi mumkin.Shu sababli, ushbu muammo pedagogik izlanishlar uchun dolzarb hisoblanadi.

Pedagogik nuqtayi nazardan,chet tilida o'qish o'quvchilarining lug'at boyligi,fonetik va grammatic bilimlari,matnni tushunish qobiliyati hamda kontekstual idrok etish kabi jihatlarni o'z ichiga oladi. O'qish ko'nikmasini rivojlanirish o'quvchilarning bilish faolligini oshirishga, mustaqil fikrlashga va nutqiyl kompetensiyani shakllantirishga xizmat qiladi [6].

O'qish bu shunchaki chet tilidan ona tiliga dekodlash(o'girish) emas. Ba'zi insonlar o'qishni harflarni bosma sahilardan tovushlarga o'tkazish jarayoni deb o'yashadi. Biroq, o'qish bundan mu'rakkabroq jaryondir.

O'qish so'zlar va jumlalarni tanib olish va tushunishni o'z ichiga oladi [7] .F.Smit o'qishni yozma yoki bosma matndan ma'niochigarish jarayoni deb ta'riflagan [8] Venkatesvaran esa o'qishni uchta ornilning o'zaro ta'siri sifatida ta'riflagan: asosiy bilimlar, kontseptual qobiliyatlar va o'rganish strategiyalari [9]. Chet tilida o'qish yanada murakkabroq. Shu munosabat bilan uzoq muddatli xotirada ma'lumotni tartibga soluvchi sxema yoki kognitiv tuzilmalar muhim rol o'ynaydi [10]. Sxema nazariyasi o'quvchilarga parchani tushunish uchun o'zlarining asosiy bilimlarini matndagi ma'lumotlar bilan birlashtirishga imkon beradi [11].Kognitiv sxema

ularga kiruvchi ma'lumotlarni oldindan saqlangan ma'lumotlar bilan bog'lash imkonini beradi [12].Chet tilida o'qishni o'rganish odatda o'qituvchi, o'quvchi va matn o'rtasida sodir bo'ladigan sinfdagi o'zaro ta'siri o'z ichiga olgan jarayondir. Sinfdag'i o'zaro ta'sirdan tashqari, o'quv kontekstlari ham o'qishga ta'sir qiladi. Ushbu kontekstlarga jismoniy kontekst, kommunikativ kontekst va ijtimoiy kontekst kiradi. Sinf xonasi, laboratoriya, resurs xonasi, o'quv materiallari, stollar va stollar kabi jismoniy kontekstlar o'quv jarayoniga katta ta'sir ko'rsatadi. Xuddi shunday, og'zaki, yozma, ramziy va tana tili va ijtimoiy kontekst kabi kommunikativ kontekst ham o'rganishga muhim ta'sir ko'rsatadi. F.Smit samarali ta'limga jarayoni uchun ushbu kontekstlarni aralashtirishga e'tibor qaratadi [8].

Natijalar va muhokama

Ba'zi tilshunoslar o'qish va tinglashni passiv yoki retseptiv qobiliyatlari, yozish va gapirishni esa faol yoki samarali qobiliyat deb bilishadi. F.Smit ularning nuqtai nazariga qo'shilmaydi. U o'qishni faol qobiliyat sifatida belgilaydi. U o'quvchining bosma matndan ma'nio yaratishda faol ishtirok etishining dalillarini taqdim etadi. O'quvchilar matning ma'nosini tushunish uchun matn bilan faol munosabatda bo'lishadi. Asosiy fikrlarni olish, matnni sharhlash va tushunish,savollariga javob berish o'quvchilarini o'qishga faol jalb qilishning ayrim shakllaridir. O'quvchilarga o'qish, ko'rish va tinglash ko'nikmalari qabul qilingan muloqotni tushunishga yordam beradi. Boshqa tomonidan, o'quvchilar boshqa ikkita ko'nikma, masalan, gapirish va yozish, o'z fikrlarini boshqalarga etkazishga yordam beradi [8].

Yozma matnni yaxshi tushunish va tushunish qobiliyati o'rganilayotgan tilning lug'at bilimi va fonologiyasiga tayanadi. Ko'pgina tadqiqotchilar, olimlar, va o'qituvchilarning ta'kidlashicha, lug'at o'qish ko'nikmalari jarayonini rivojlanirishi mumkin. So'z boyligi o'qish ko'nikmasiga muhim ta'sir ko'rsatadi[13]. Shunisi e'tiborga loyiqliki, o'quvchilar kundalik hayot suhabatlari orqali erta yoshda lug'at bilimlarini egallashlari mumkin. Bu bosqichda o'quvchilar nafaqat yangi so'zlarni o'rganadilar, balki bu so'zlardan unumli foydalanishga ham harakat qiladilar.

O'qishda ma'noni anglatuvchi eng kichik grafik birlik so'z deb nomlanadi, bu odatda idrok birligi sifatida qabul qilinadi. O'quvchi uchun ma'lum bir lug'at boyligini egallash juda muhimdir. O'qishni tushunish bilan bog'liq lug'at ikki turga bo'linadi: passiv va potentsial lug'at. Passiv lug'at - bu o'qish paytida aniqlanishi mumkin bo'lgan so'zlarni anglatadi, chunki vizual va eshitish-motor belgilari uzoq muddatli xotirada saqlanib qoladi, bu talabaning til tajribasida mayjudligi sababli o'qish paytida tanib olish mumkin bo'lgan so'zlar anglatadi. Boshqa tomonidan, potentsial lug'at nutqda ilgari ishlatalmagan, ammo ularning ma'nosini o'qish paytida tashqi ma'lumot manbalarisiz aniqlash mumkin bo'lgan so'zlarni o'z ichiga oladi. Ushbu so'zlarning ma'nosini kontekst, morfemalar bilan tanishish (so'z yasovchi elementlarni) bilish tufayli yoki ona tili bilan bir o'zakli so'zlar bo'lganidan fahmlab olinishi mumkin [6].

Boshqa bir qator tadqiqotchilarining fikrlariga ko'ra imloni bilish aniq talaffuz va lug'atni o'rganishni kengaytirishga yordam beradi va bu tushunish ko'nikmalarini rivojlanirishga olib keladi [14].Ovozli imlo ko'nikmalarisiz o'quvchilar o'qish qobiliyatini samarali rivojlanira olmaydi.Boshlang'ich sinf o'quvchilar imloni yaxshilashda muammolarga duch kelishadi.Yana bir asosiy jihat imloni saqlab qolishdir,agar ularga to'g'ri imloni aniqlab,imlo tajribasini saqlab qolishni rivojlanirilsa,bu o'quvchilar o'qish samaradorligi va tezligini oshirish uchun qulaylik yaratadi.Bu fakt Bryant va Gosvami tomonidan tasdiqlangan,chunki o'quvchilar o'qish ko'nikmalarini egallasa,so'zlarni o'qishning boashqa shakllari bilan bog'lash orqali yangi so'zlarni juda oson o'rganadilar.Ovoz va imlo tizimini bilish tilni o'rganishda ,ayniqsa

o'qish ko'nikmalarida asosiy elementlaridan biridir[15]. Shu o'rinda aytib o'tish muhim,o'zbek tili va ingliz tilida alfavit va fonetika farqlari ya'ni tovush-harf mosligini tushunish muammosi boshlang'ich sinf o'quvchilarida asosiy muammolaridan biri bo'lib kelmoqda.Bu muammoni J.J.Jalolov quyidagicha ta'riflagan ingliz tili harf va harf birikmalarining xususiyatlari tahlil qilinsa, unda o'zbek tiliga mos keladigan va keskin farq qiladigan harf va harf birikmalarini mayjudligini ko'ramiz.O'qilish qoidalari quyidagicha tasniflanadi: unli harflarning to'rtta bo'g'inda kelishi, undosh harflarning o'qilishi, unlilar birikmasi (digraf), undoshlar birikmasi (undosh digraf), unli bilan undosh birikmasining o'qilishi, o'qilmaydigan unli/undosh harflar [6]. Bunga misol tariqasida alfavit va yozuv tizimidagi farqlarni olishimiz mumkin.O'zbek tili lotin alifbosida 29 ta harfdan iborat bo'lib, har bir harf ma'lum bir tovushni ifodalaydi. Ingliz tilida esa 26 ta harf mavjud, lekin har bir harf bir necha xil talaffuzga ega bo'lishi mmkin. O'zbek tilida harflar fonetik jihatdan deyarli doimiy tovush beradi. Masalan,"a" harfi doim [a] tovushini beradi.Ingliz tilida esa harflar turli holatlarda har hil o'qilishi mumkin, Masalan, "a" harfi **cat** [kæt], **car** [kr] va **cake** [kek] kabi turlicha talaffuz qilinadi. Yana bir fonetik va talaffuz qiyinchiliklaridan biri ingliz tilidagi ba'zi tovushlar o'zbek tilida mavjud emas, masalan, **th** harf brikmasi beradigan [θ] va [ð] tovushlari (think, this) – o'zbek tilida bunday tovush mavjud emas, shuning uchun o'quvchilar uni [s] yoki [t] kabi talaffuz qilishadi (think → sink). **r** tovushi (red, river) – ingliz tilida "r" talaffuzi o'zbek tilidagidan farq qiladi, o'quvchilar ko'pincha uni o'zbekcha [r] kabi talaffuz qilishadi. **v-w** farqi – o'zbek tilida [w] tovushi mavjud emas, shuning uchun west va vest so'zlarini bir xil talaffuz qilinishi mumkin.

O'zbek tilida so'z qanday yozilgan bo'lsa shunday o'qiladi.Biroq ingliz tilida bu qoida har doim ishlamaydi, ya'ni ingliz tilida so'z yozilishi va o'rtasida nomuvofiqlik mavjud. Masalan, **knife** – [naf] (k tovushi talaffuz qilinmaydi), **write** – [rat] (w tovushi yo'q), **rough** – [rf] (gh harf brikmasi [f] deb o'qiladi). Bu tafovutlar natijasida boshlang'ich sinf o'quvchilarini ingliz tilidagi so'zlarni o'zbek tilidagi tovush-harf mosligiga taqqoslab o'qishga harakat qiladilar. Bu noto'g'ri talaffuz qilish, tushunmovchiliklarga sabab bo'lishi mumkin, tinglab tushunish qobiliyatlari ham noto'g'ri rivojlanishi mumkin.Bu muammo o'quvchilarning talaffuzi, o'qish va yozish savodxonligi va umumiyy til o'rganish jarayoniga ta'sir qiladi.

Boshlang'ich sinf o'quvchilarida ingliz tilida o'qish ko'nikmasini shakkantirishda ba'zi psixologik va fiziologik muammolar uchraydi.Ushbu muammolar ta'lism jarayonining samaradorligiga ta'sir qiladi va ularni hal etish maxsus ilmiy yondashuvlarni talab qiladi.Tadqiqotlar shuni ko'rsatadi, notanish tilda o'qish boshlang'ich sinf o'quvchilarida stress va ishonchszilikni keltirib chiqaradi [16]. Til o'rganish jarayonidagi murakkabliklar sababli bolalar noto'g'ri o'qishdan qo'rqaadi va o'z bilimlarini namoyish qilishga tortinadi.Rus olimi Vigotskiyning rivojlanish psixologiyasi nazariyasiga ko'ra ma'lum va empirik tarzda tasdiqlangan haqiqat shundaki, o'rganish bolaning rivojlanish darajasiga mos kelishi kerak. Masalan, o'qish, yozish va arifmetikani o'rgatish muayyan yosh darajasida boshlanishi kerakligi aniqlangan [17]. Uning tadqiqotlari kichik yoshdag'i o'quvchilar rivojlanishi va o'rganishi jarayonida o'yinlar va visual yondashuvlar samaradorligini tasdiqlaydi. O'rganilgan tadqiqotlarga ko'ra, 5-7 yoshli bolalarda diqqatni bir faoliyatga jamlash va uzoq vaqt ushlab turish qiyin.Uzun va murakkab matnlar bolaning diqqatini pasaytirishi va qiziqishini yo'qotishiga sabab bo'lishi mumkin [18]. Yana bir muhim jihatlardan biri bolallar uchun darslar faqat garammatikaga asoslangan bo'lsa motivatsiya pasayadi, ular ingliz tilini real hayotda amaliy bog'lashni bo'lmasa o'qishga qiziqishlari pasayadi [19]. O'quvchilarda xotira va tushunish muammolarini tadqiq qilinganda, kichik yoshdag'i bolalarda ishchi xotira(working memory) hali yahshi rivojlanmagan bo'lishi mumkin.Bu esa yangi so'zlarni eslab qolish va matnni tushunishda qiyinchilik tug'diradi [20]. Hozirgi davrda ortib borayotgan ekran ta'siri ham tadqiqotchilar fikriga ko'ra ta'lism olish jarayoniga

salbiy ta'sir ko'rsatishi mumkin.Ya'ni haddan tashqari ekran oldida vaqt o'tkazish(raqamlari qurilmalar, texnologiyalar) bolalarning diqqatini pasaytirishi va o'qish ko'nikmalarini rivojlantirishda muammolar keltirib chiqarishi mumkin [21].

Xulosa

Yuqorida berilgan tadqiqotchilarining fikrlaridan xulosa qilib aytish mumkinki, boshlang'ich sinf o'quvchilarini diqqatini qisqa vaqt davomida ushlab turishi sababli ingliz tili darslarida turli xil interfaol o'yinlar va mashg'ulotlar bilan uyg'unlashtirish, bolalarga o'z fikrlarini erkin ifoda etish imkoniyatini berish maqsadga muvofiq. Darslar qisqa segmentlarga bo'linib, dars materiallari real hayot bilan bog'langan holda, video audio materiallari bilan boyitsa o'quvchilarning motivatsiyasini oshirib, diqqatini ushlab turish osonlashadi, chunki bugungi fan texnika taraqqiyoti shuni taqozo etmoqda.Bundan tashqari, kichik yoshdag'i o'quvchilarning tasavvur qilish qobiliyati yuqori bo'lgani sababli visual materiallar (rasmi kartochkalar, grafikalar, interaktiv qo'llanmalar) harakatga asoslangan metodlar (Total Physical Response) ga ehtiyoj yuqori hisoblanadi.Biroq raqamlari texnologiyalar va an'anaviy kitob o'qish orasida balans yaratish muhim hisoblanadi.Boshlang'ich sinf o'quvchilarida o'qish ko'nikmalarini ingliz tilida shakkantirishda muammolarni aniqlash va ularga mos yechimlarni qo'llash ta'lism jarayonining samaradorligini oshirishga xizmat qiladi.

References

1. O'zbekiston Respublikasining "Ta'lim to'g'risida"gi Qonuni O'RQ-637-son.2020 yil 23 sentyabr.
2. Risqulova K.J. Bo'lajak ingliz tili o'qituvchilarining sotsiolingvistik kompetensiyalarini shakkantirish tizimi.Diss...ped.fan.dokt.-Toshkent,O'ZDJTU,2017.- 97 b.
3. O'zbekiston Respublikasi Birinchi Prezidentining "Chet tillarni o'rganish tizimini yanada takomillashtirish choratdbirlari to'g'risida"gi PQ-1875-son Qarori.-Xalq so'zi.-240(5660).-Toshkent,2012.
4. O'zbekiston Pespublikasi Vazirlar Mahkamasining "Uzluksiz ta'lim tizimining chet tillar bo'yicha Davlat standartlarini tasdiqlash to'g'risida"gi Qarori 2013 yil, 8 may 124-sonli Qaror// Xalq ta'limi,2013,4-son.
5. Elena Stakanova,Elena Tolstikhina. Different Approaches to Teaching English as a Foreign Language to Young Learners.Third Annual International Conference "Early Childhood Care and Education", 146(2014)-p.456-460
6. Jalolov J.J. Chet tili o'qitish metodikasi;chet tillar oliv o'quv yurtlari (fakultetlari) tlabalari uchun darsligidan.Toshkent;O'qituvchi,2012.-255 b.
7. Cohen, J. (2007). A Case Study of a High School English Language Learner and His Reading. Journal of Adolescent and Adult Literacy, 51(2), 164-175.
8. Smith, F. (1976). Learning to read by reading. Language Arts, 53(3), 297-322.
9. Venkateswaran, S. (1995) Principles of Teaching English. Madras: Vikas Publishing House. Pvt. Ltd.
10. Singhal, M. (1998). A comparison of L1 and L2 reading: Cultural differences and schema. The internet TESL journal, 4(10)
11. Stott, N. (2001). Helping ESL students become better readers: Schema theory applications and limitations. The Internet TESL Journal, 7(11), 1-10

12. Widdowson, H. G. (1983). Learning purpose and language use (pp. 54–54). Oxford: Oxford University Press.
13. Lee, S., and Pulido, D. (2017). The impact of topic interest, L2 proficiency, and gender on EFL incidental vocabulary acquisition through reading. *Language Teaching Research*, 21(1), 118–135.
14. Ehri, L. C. (2014). Orthographic mapping in the acquisition of sight word reading, spelling memory, and vocabulary learning. *Scientific Studies of Reading*, 18(1), 5–21.
15. Bryant, P., and Goswami, U. (2016). Phonological skills and learning to read: Rotledge.
16. Horwitz, E. K., Horwitz, M. B., and Cope, J. (1986). Foreign Language Classroom Anxiety. *The Modern Language Journal*, 70(2), 125–132.
17. Vygotsky L.S. Mind in Society-Harvard University Press,1978.-85 p.
18. Posner, M. I., and Rothbart, M. K. (2007). Educating the Human Brain. American Psychological Association.
19. Dörnyei, Z. (2001). Motivational Strategies in the Language Classroom. Cambridge University Press.
20. Baddeley, A. D. (1992). Working Memory. *Science*, 255(5044), 556–559.
21. Christakis, D. A., Ramirez, J. S. B., and Ferguson, S. M. (2018). How Early Media Exposure Affects Cognitive Development. *Pediatrics*, 142(1), e20173721.